

Language L.30


Bosnian



مركز المعلومات الإسلامي
Islamic Information Center

لتعريف بالإسلام

Version Date: September 2022



Part of the





Learn more about Islam with our informative and educational materials, translated to over 50+ languages

@islamicicdx



CONTENTS



O ISLAMU

Kratak uvod

BOSNIAN

(01/08)

نبذة عن الإسلام

FREE COPY





Your Path To Peace..

مركز المعلومات الإسلامي
Islamic Information Center

للشؤون الإسلامية

دائرة الشؤون الإسلامية والعمل الخيري | تصريح رقم: (2017/139) | Islamic Affairs & Charitable Activities Department

www.islamicic.com



O Islamu

Islam je prirodan i sveobuhvatan način života. Podstiče osobe da se u potpunosti usmjere, prema svojoj relaciji, ka svome Stvoritelju (Bogu). Islam podučava da ljudi jedino mogu naći potpun i trajan mir i sreću u predanosti i pokornosti Allahu, slijedeći Njegovu uputu i čineći dobra djela.

Muslimani čine, otprilike, jednu petinu svjetske populacije, čineći tako islam jednom od najvećih religija. Vjerovanje i obožavanje Jedinog Istinskog Boga je svrha života i osnovni princip islama.

Jedna od posebnosti islama, što nije slučaj sa drugim religijama, jeste činjenica da nije nazvan po čovjeku ili plemenu.

Arapska riječ „islam“ u prijevodu znači „predanost“ Jedinom Istinskom Bogu. Osoba koja svoju volju dobrovoljno podredi Božijoj volji zove se musliman, a može biti bilo kojeg rasnog ili etničkog porijekla.

Vjervanija

Šest osnova



Allah je lično ime Jedinog Istinskog Boga

1. Vjerovanje u Allaha

„Allah“ je jedinstveno arapsko ime za Jedinog Istinskog Boga. Allah nema suparnika, partnera, Sebi sličnog, djecu ili roditelje. On nije kao Njegova stvorenja, i niko nema Njegovu uzvišenu božanstvenost i Njegova savršena svojstva. Neka od Njegovih imena i svojstava su: Stvoritelj, Mislostivi, Uzvišeni, Svemoćni, Pravedni, Mudri, Opskrbitelj i Sveznajući.

On je Stvoritelj i Opskrbitelj svega, Onaj koji nam je podario neizmjerne blagodati, kao što su: moć sluha, moć vida i razmišljanja, kao i mogućnost hodanja, govora i produktivnosti. I zbog toga moramo da spoznamo Boga, da Mu budemo zahvalni i da obožavamo Njega jedinog slijedeći Njegovu uputu.

Racionalno možemo doći do zaključka da tako kompleksan i uređen svemir ne može biti ičije djelo do moćnog i inteligentnog Bića. I zato je nelogično vjerovati da je svemir sam sebe stvorio, ili da je rezultat besciljnog ili slučajnog događaja.



2. Vjerovanje u Meleke

Meleki su stvoreni od svjetlosti, imaju od Allaha dodijeljene dužnosti i nikada nisu neposlušni svom Stvoritelju. Detalji o nekim melekima su objavljeni, poput meleka Džibrila zaduženog za prenošenje Božije poruke poslanicima, ili meleka smrti koji je zadužen da uzima duše ljudima.

3. Vjerovanje u objavljene Knjige

Allah je slao uzvišene objave Svojim poslanicima kao uputu i milost čovječanstvu. Ovo uključuje Tevrat i Evanđelje koji su u svom originalnom obliku redosljedno objavljivani Musau i Isau, kao i Kur'an koji je objavljen Muhammedu, neka je na sve njih Allahov mir.

Kur'an je doslovna Božija riječ i poslednja objava cijelom čovječanstvu. Mnogobrojni jasni znaci i čuda ukazuju da je od Boga, kao što su:

- Sadrži jednostavnu, izvornu i univerzalnu poruku koja se uklapa u čovjekovo naslijeđeno vjerovanje u Svemogućeg Boga.
- Sadrži jedinstveni jezički stil koji je i danas univerzalno poznat kao vrhunac arapske rječitosti i lingvističke ljepote – iako je Kur'an objavljen poslaniku Muhammedu (sallallahu alejhi ve sellem) koji, po historijskoj činjenici, nije znao ni da čita ni da piše.
- Sadrži mnogobrojne naučne činjenice koje su nedavno otkrivene, iako je objavljen prije više od 1400 godina.
- Sačuvan je, riječ po riječ, sa obzirom da je objavljen na svom originalnom arapskom jeziku, što nije slučaj sa ostalim spisima koji su izobličeni, promijenjeni ili izgubljeni.

Jedno od čuda Kur'ana jeste i to da u sebi ne sadrži ni jednu grešku ili kontradikciju.

Najracionalnije objašnjenje za mnoge jedinstvene i čudesne aspekte Kur'ana je da može biti jedino od Boga. Kur'an je, uz vjerodostojne predaje (hadise) od poslanika Muhammeda (sallallahu alejhi ve sellem), osnovni izvor islamskog znanja.

4. Vjerovanje u Poslanike

Muslimani vjeruju da je Allah poslao na hiljade vjerovjesnika, najmanje jednog poslanika svakom narodu da bi prenijeli Božije objave. Neki od tih poslanika su Adem, Nuh, Ibrahim, Davud, Jusuf, Musa, Isa i Muhammed (alejhimu-s-selam). Njihova misija je bila ista; da vrate ljude obožavanju Jedinog Istinskog Boga, da budu primjer ljudima u pokornosti Bogu, i da povedu ljude na Put spasa. Poslanici nisu dio Božije uzvišenosti, i bilo kakva dova (molitva) upućena poslanicima, ili Bogu putem poslanika je strogo zabranjena i smatra se kršenjem prava Allaha, jer samo se On može obožavati.



- Poslanik Isa (Isus)

Muslimani vjeruju da je Isa veliki i časni Allahov poslanik, koga je njegova majka djevica Merjem rodila na čudotvoran način. Isa je, uz Allahovu dozvolu, izvodio mnoge mudžize (čuda) kao što je liječenje bolesnih i slijepih, kao i da je još kao novorođenče progovorio u kolijevci braneći svoju majku od lažnih optužbi. Prema tome muslimani vole i poštuju Isaa, ali ga ne obožavaju, ne smatraju ga Božijim sinom, ne vjeruju u trojstvo, i ne vjeruju da ima ikakvog udjela u savršenim Božijim svojstvima.

Bog je rekao: Nezamislivo je da Allah ima dijete, slavljen neka je On! Kad nešto odluči, On za to kaže samo : „Budi!“ - I ono bude.” Kur'an 19:35

- Poslanik Muhammed

Muhammed, sallallahu alejhi ve sellem, je bio posljednji Poslanik poslat cijelom čovječanstvu. Poslat je sa Kur'anom da bi pokazao kako se učenja Kur'ana trebaju sprovesti, i bio je savršen primjer iskrenog, pravednog, milostivog, istinoljubivog i hrabrog ljudskog bića. Kao što je slučaj sa Isaom, muslimani ne obožavaju Muhammeda.

5. Vjerovanje u Sudnji dan

Sudnji dan je neizbježni događaj kada će svako od nas stati ispred našeg Stvoritelja i biće ispitivan za svoja dobra i loša djela. Polagaćemo račun za svako naše djelo, bez obzira koliko ono bilo.

U ovom važnom Danu, Allah, Pravedni, će obračunati sve stvari pravedno i nikome se neće nepravda učiniti. Svakome će se njegovo pravo vratiti. Sa svakim će se pravedno postupiti – nagradom ulaska u Džennet (Raj) ili kaznom ulaska u Džehennem (Pakao).


Bez Sudnjeg dana, život bi bio jako nepravedan, jer mnogi na ovom svijetu nisu uspjeli dobiti pravdu.

6. Vjerovanje u Božije određenje

Allah zna sve iz prošlosti, sadašnjosti i sve što će se desiti u budućnosti. On ima moć nad svim stvarima – ništa se ne može desiti bez Njegovog znanja i dozvole.

Svakoj osobi je data slobodna volja da izabere između dobra i zla, i prema tome će polagati račun.

Slobodna volja se ne suprostavlja činjenici da se događaji mogu desiti jedino sa Božijim znanjem i dozvolom. Niti to znači da Božija moć nad svim sprečava ili onemogućava slobodnu volju čovjeka. Božije znanje o odlukama ljudi ne znači da su oni prisiljeni da učine te odluke, i da je Bog zadovoljan sa svim stvarima koje On dozvoli da se dogode.



O Pet načela obožavanja

Osnove u životu svakog muslimana

1. Svjedočenje – izjava vjerovanja (šehadet)

Izjava vjerovanja je svjedočenje (šehadet) da nema istinskog boga vrijednog obožavanja osim Jedinog Istinskog Boga (Allaha), i da je Muhammed Njegov poslanik. Svjedočenje mora biti zasnovano na iskrenom i čvrstom vjerovanju srcem, potvrđujući djelima i govorom. Sa ovom izjavom osoba odbija sva lažna božanstva, potvrđujući da je Allah jedino vrijedan obožavanja, i prihvata Njegovog posljednjeg Poslanika, i time postaje musliman.

2. Pet dnevnih namaza

Pet dnevnih namaza su propisani svakodnevno po jednom u zoru, na podne, poslije podne, u sumraku i tokom noći.

Klanjanjem namaza (salata) uspostavlja se lična i duhovna veza između muslimana i njihovog Stvoritelja, a također je i konstantni i praktični podsjetnik čovjekovoj dužnosti u pokoravanju Allahovoj volji. Potrebno je nekoliko minuta da bi se svaki namaz obavio, a koji se sastoji od učenja Kur'ana, dova, slavljenja Allaha, i određenih tjelesnih pokreta. Tokom pripreme za namaz, muslimani vodom peru određene djelove tijela, kao što su lice i ruke, da bi tako osigurali duhovnu i tjelesnu čistoću (abdest).



3. Godišnje izdvajanje sadake (Zekat)

Davanje godišnjeg zekata je obaveza svakom muslimanu koji ispunjava određene kriterijume (čije bogastvo je iznad određenog prosjeka). Samo 2.5% od nečijeg godišnjeg imetka se se daje onima koji su u potrebi, kao što su siromašni, nevoljnici ili oni koji su u dugu. Zekat čisti imetak i donosi velike blagodati onome koji daje i onome koji uzima. Jedna od blagodati jeste da umanjuje razliku između bogatih i siromašnih, obezbjeđujući svim ljudima osnovne potrebe.

4. Godišnji post

Svakog dana tokom mjeseca Ramazana, muslimani poste od zore pa do zalaska sunca, uzdržavajući se od hrane, pića i spolnog odnosa. Post služi kao duhovno usavršavanje, podstiče na strpljenje i tjelesnu uzdržanost, i donosi mnogobrojne zdravstvene koristi.

Ramazana je deveti mjesec islamskog kalendara.



5. Hodočašće (Hadždž)

Svi hadžije (hodočasnici) oblače jednostavnu i sličnu odjeću, koja briše klasne i kulturološke razlike, da bi tako svi bili jednaki pred Bogom.

Hodočašće u svetom gradu Mekki, u današnjoj Saudijskoj Arabiji, obavezno je jednom u životu svakog muslimana, ako je u zdravstvenoj i finansijskoj mogućnosti.

Obavlja se jednom godišnje u dvanaestom mjesecu islamskog kalendara, okupljajući ljude svih rasa, društvenog statusa i dobi, gdje zajedno obožavaju Jedinog Istinskog Boga. Ovo veliko putovanje sadrži mnoge komponente, kao što je obilazak i molitva na različitim mjestima, klanje kurbanda (uglavnom ovce) hraneći tim mesom siromašne i gladne. Takvo životno iskustvo upotpunjuje osobu i čini je skrušenom, čineći je tako strpljivom i zahvalnom.

O Načelo obožavanja - činjenje ibadeta

Ibadet je bilo koje djelo sa kojim je Allah zadovoljan

Islamsko načelo obožavanja nije ograničeno samo na pet osnova vjerovanja. Ibadet je sveobuhvatna riječ za bilo koje dobro djelo kojim je Allah zadovoljan. Svakodnevne aktivnosti mogu postati djela ibadeta tako što će osoba učiniti iskrenim svoje namjere da budu radi Allaha i uskladiti ih sa Allahovom uputom. Primjer tome je osmjeh, dobročinstvo komšiji, podrška i dobročinstvo rodbini, iskrenost, pa i samo sklanjanje otpatka sa ulice. Treba napomenuti da Allah nije u potrebi za ničijim ibadetima, nego smo mi u potrebi za Njim, i naše obožavanje je u našu korist.

Zaključak

Ono što smo spomenuli od aspekata vjere i djela ibadeta čine osnovu islama. I islam kada se praktikuje upotpunjuje duhovne, tjelesne, psihološke i socijalne potrebe svih ljudi, i praktičan je i racionalan način života. Također, jedini je način života koji je prihvaćen od strane Uzvišenog Boga, i jedini je put koji vodi vječnom boravištu u Džennetu.

“Onome ko čini dobro, bio muškarac ili žena, a vjernik je, Mi ćemo dati da proživi lijep život i, doista, ćemo ih nagraditi boljom nagradom nego što su zaslužili.” - Kur'an 16:97

HOTLINE

+971 56 204 2045





islamicicdx

islamicic.com info@islamicic.com +971 4 355 5223



DOWNLOAD BOSNIAN FLYER
www.islamicic.com/bosnian



POJAM BOGA U ISLAMU

BOSNIAN

(02/08)

مفهوم الإله في الإسلام

FREE COPY

Ne postoji niko veći od
Stvoritelja




Your Path To Peace..



مركز المعلومات الإسلامي
Islamic Information Center

للشؤون الإسلامية



Postoji li BOG?

Postoje mnogi racionalni razlozi za vjerovanje u Boga. Navest ćemo tri temeljna razloga:

1. Uređenost svemira

Zamislite da šetate na plaži gdje u pijesku pronalazite sat. Da li bi ste povjerovali da je taj sat sam od sebe nastao? Ne bi ste nikad zaključili da se sat jednostavno pojavio iz pijeska, onako, slučajno. Svi komplicirani sastavni elementi nisu mogli nastati jednostavno od materijala koji se nalaze u zemlji. Sat mora da ima proizvođača. Sat nam ukazuje na tačno vrijeme i očekivano je da pomislimo da je proizvođač inteligentno biće. Prirodne slučajnosti ne mogu da stvore sat koji pri tom precizno radi.

Razmislimo o planeti Zemlji. Vrijeme je tako precizno regulirano da znanstvenici mogu unaprijed da objave vrijeme izlaska i zalaska sunca. Kao što sat ima inteligentnog proizvođača i precizno računa vrijeme, također, i Zemlja ima Inteligentnog Stvoritelja koji je odredio precizno vrijeme kretanja prema Suncu. Da li bi sve ovo moglo da se desi samo od sebe?

Na isti način, kada vidimo red, precizne zakone i sisteme u nama samima i širom univerzuma, nije li racionalno da pomislimo da univerzum ima organizatora? Ovaj "Organizator" je najbolje opisan postojanjem Allaha – Onoga koji je uspostavio red u univerzumu.



2. Početak Univerzuma

Moderna nauka zaključuje da je univerzum imao početak. Ovo je utemeljeno na skorašnjem otkriću da se univerzum širi, i ako vratimo vrijeme unazad, univerzum se konvergira (sabira se) – što nas vraća na početak. Postoje tri moguća objašnjenja za početak univerzuma:

1. Da je univerzum nastao ni iz čega.
2. Da se univerzum stvorio sam.
3. Da je univerzum stvoren.

Što se drugog objašnjenja tiče, jednostavna logika nam govori da ništa ne može da napravi nešto prije sopstvenog postojanja. Ovo nam ostavlja treći zaključak

Životno iskustvo nam govori da sve što ima početak jednostavno ne može da se pojavi ni otkuda.



kao jedini racionalni: više inteligentno biće – Allah Uzvišeni, stvorio je univerzum.

Neki ljudi mogu da pitaju, “Ko je stvorio Allaha”? Allah, Stvoritelj, drugačiji je od onoga što stvara. Njemu bi po tom mišljenju, također, trebao stvoritelj, što vodi beskonačnom broju stvoritelja, a što je nemoguće. On je izvan vremena i fizičke materije ovog univerzuma. Allah je uvijek postojao i On je Prvi i Posljednji, s toga pitanje ko je stvorio Allaha je iracionalno.

3. Božija znamenja

Ako bi Allah objavio knjigu i dao je kao uputu čovječanstvu, očekivali bismo da takva knjiga sadrži čiste dokaze Allahovog postojanja.

Postoje jasni dokazi da je knjiga islama, Kur'an, Allahova riječ. Slijedi kratak pregled dokaza koji opravdavaju ovu tvrdnju:



- Kur'an je objavljen prije više od 1400. godina i sadrži mnoge naučne dokaze koji su bili nepoznati ljudima tog vremena i koji su tek nedavno potvrđeni od strane moderne nauke.

Neki od tih primjera su: da je porijeklo svega živoga od vode (Kur'an, 21:30); širenje univerzuma (Kur'an, 51:47); individualna kruženja Sunca i Mjeseca (Kur'an, 21:33).

- Kur'an sadrži mnoge historijske činjenice koje su bile nepoznate ljudima tog vremena kao i mnogobrojna predviđanja koja su se obistinila.
- Kur'an je čist od bilo kakvih grešaka ili kontradikcija.
- Kur'an je očuvan, riječ po riječ, od kako je objavljen na svom originalnom arapskom jeziku, za razliku od ostalih spisa koji više ne postoje u svojim originalnim formama.
- Jednostavna, čista i jedinstvena poruka Kur'ana obraća se vjerovanjima svojstvenim čovjeku o Svevišnjem Allahu.

• Kur'an je objavljen Poslaniku Muhamedu (sallallahu 'alejhi ve sellem), koji je u historiji poznat kao onaj koji nije umio da piše i čita. Ipak, Kur'an sadrži jedinstveni jezički stil koji je opće poznat kao vrhunac arapske elokvencije i lingvističke ljepote.

Najracionalnije objašnjenje mnogih jedinstvenih i čudesnih aspekata Kur'ana je da on mora da bude od Allaha.



Ko je Allah?

*“Vaš bog je Jedan Bog.
Nema boga osim Njega.”
Kur'an 2:163*

“Allah” je lično ime jednog istinitog Boga.

Ništa drugo ne može da bude nazvano

imenom Allah. Ime „Allah“ nema množinu niti

rod za razliku od bosanske riječi “bog” iz koje se može izvesti množina (bogovi) i ženski rod (boginja). Jedinствена upotreba riječi “Allah” je odraz islamskog isticanja čistoće monoteizma - vjerovanja u Jednog Boga.

Najveća ljepota islama je u tome da priznaje potpuno savršenstvo, veličinu i jedinstvenost Allaha. Ovo se odražava u islamskom čistom učenju Allahovih svojstava.

Allah je Jedan i Jedinствен



- Allah nema partnera, nema sličnog a ni suparnika.
- Allah nema oca, majku, sinove, kćerke ili žene.
- Jedino je Allah dostojan da se obožava.
- Kada bi postojalo više od jednog Boga, to bi se odrazilo kao nedostatak u Njegovoj moći ili vlasti jer bi to podrazumijevalo da Allah ima rivalstvo, da pravi kompromise i da mu treba zajednički dogovor sa ostalim bogovima.

Allah je Svemoguć

- Allah ima punu vlast i moć nad svim stvarima
- Sve je potpuno podređeno i zavisno o Njemu.
- Naša poslušnost Allahu ne povećava njegovu moć, a ni neposlušnost ne smanjuje Njegovu moć na bilo koji način.

Allah je Svevišnji

- Ne postoji ništa što bi moglo da se uporedi sa Allahom.
- Allahova savršena svojstva se ne upoređuju sa svojstvima Njegovih stvorenja.
- Nijedan dio Allaha nije prisutan ni u kome, a ni u bilo čemu.
- Allah je savršen i nema nikakva ljudska ograničenja, nije imao potrebe da odmara šestog ili sedmog dan nakon što je stvorio univerzum, kako tvrde druge religije.



Allah je Najpravedniji i Najmilostiviji

- Allah ne treba da se žrtvuje da bi oprostio grijeha, niti je bilo ko "rođen u grijehu".
- Allah sudi svima na osnovu učinjenih djela i svako je odgovoran za svoje postupke.
- Ljudi se jedino mogu razlikovati i zaraditi Allahovu naklonost kroz vjerovanje, vrline i pobožnosti – a ne na osnovu rase, imetka ili prema društvenoj klasi.

Priroda Isusa / Isa (alejhi-s-selam)

Neki kršćani tvrde da je "Isus Bog" - to jest, da je on inkarnacija Boga na Zemlji i da je Bog uzeo ljudski oblik.

Međutim, prema Bibliji, Isus je rođen,

konzumirao hranu, spavao, molio se i imao je

ograničeno znanje – sva svojstva koja ne dolikuju Bogu. Bog ima svojstva savršenstva dok je čovjek suprotan tome i nedostaje mu savršenstvo.

Dakle, kako može da bude i jedno i drugo u isto vrijeme - potpuno suprotno i isto? Ovo nije racionalno.

Međutim, neki ljudi mogu da pitaju, "Ako Bog može da učini sve, zašto ne može da postane čovjek?" Po definiciji, Bog ne radi djela koja mu ne priliče, pa ako bi Bog postao čovjek i ako bi uzeo ljudske osobine, on ne bi, nužno, više bio Bog.

Osim toga, Biblija sadrži mnoge stihove u kojima Isus govori i u kojima se ponaša kao da je Bog odvojeno biće za sebe. Na primjer, Isus "pade ničice i molio se" [Matej 26:39]. Ako je Isus bio Bog, da li bi Bog padao na lice i molio se? I, kome bi se molio?

Neki kršćani, također, tvrde da je "Isus Sin

Božiji", ali treba da se zapitamo, šta to

zapravo znači? Sigurno, Allah je daleko

od toga da ima fizičkog i doslovnog sina.

Umjesto toga, nalazimo da je termin "Sin

Božiji" simbolično korišten u najranijim

biblijskim jezicima za "pravednika". Koristi

se u cijelom Starom zavjetu za mnoge



pravedne ljude kao što su David (Davud

a.s.), Solomon (Sulejman a.s.) i Izrael (Jakub a.s.).

– a ne isključivo samo za Isusa (Isa a.s.). "…Izrael je moj sin prvenac," (Druga knjiga Mojsijeva 4:22) je jedan takav primjer.

Kada se objašnjava koncept Boga u islamu važno je da se razmotri status Isusa, također, s obzirom na raširenu konfuziju i tvrdnje o prirodi Isusa.

"Nezamislivo je da Allah uzme sina; Slavljen neka je On!" Kur'an 19:35



Islamsko učenje o Isusu objašnjava ko je bio pravi Isus, uz održavanje čistog vjerovanja u Allaha i Njegovu Veličinu. Isus je bio častan Poslanik poslan od Allaha da poziva u obožavanje Boga Jedinog.

Samo je **Allah** dostojan obožavanja

“I Allahu ibadet činite i ništa Mu ne pridružujte.” Kur'an 4:36

Islam uči da sve molitve i da svi načini obožavanja trebaju da budu okrenuti isključivo Allahu. Ništa drugo nije dostojno obožavanja: kipovi, grobovi, Sunce, Mjesec, životinje, poslanici, sveci, meleki, svećenici ili vjerski učenjaci. Sve ove stvari su stvorene i ograničene, stoga su i nesavršene, dok je Allah savršen.

Allahu se direktno obožava

Allah ne treba nikakve partnere ili posrednike. Svako i uvijek ima direktan pristup da obožava Allaha, jer On čuje sve koji Ga hvale i dozivaju. Obožavanje Allaha indirektno (npr. putem idola, svetaca ili drugih posrednika) se smatra nepokornošću Božijoj Jednoći i čistoći ibadeta koju On Jedini zaslužuje.

Svi Poslanici su pozivali u obožavanje **Allaha**

“I Mi Smo (Allah) sigurno poslali svakom narodu Poslanika, govoreći: ‘Allahu ibadet činite i klonite se taguta (lažnih božanstava).’ Kur'an 16:36

Muslimani vjeruju u sve poslanike i vjerovesnike koje je Allah poslao. Najpoznatiji od njih su Adem, Nuh, Ibrahim, Musa, Isa i Muhammed, alejhimu-s-selam. Svi su oni došli sa istom porukom - da pozovu svoje ljude u vjerovanje i obožavanje jedinog istinitog Boga.

Svrha života je obožavati **Allaha**

Osnovna svrha života je priznanje veličine Allaha, uspostavljanje direktne veze sa Njim i obožavanje samo Njega. Koncept obožavanja Allaha se u islamu ne ograničava samo na vjerskim obredima kao što su namaz i post, on obuhvata sve radnje koje Uzvišeni Allah voli, kao što su: posjedovanje lijepih manira, dobrotu, iskrenost, uspostavljanje pravde, strpljenje i pomoć onima koji su u potrebi za tim.

Da zaključimo, temelj islama je vjerovanje u jednoću i jedinstvenost Svemogućeg Allaha, koji je Tvorac i Gospodar svega, savršen u svim Svojim svojstvima. On sam jedino zaslužuje svo obožavanje. U tome leži naš uspjeh u ovom i budućem životu.

HOTLINE

+971 56 204 2045




islamicicdx

islamicic.com info@islamicic.com +971 4 355 5223



DOWNLOAD BOSNIAN FLYER
www.icdxb.com/bosnian

CONTENTS



POSLANIK MUHAMMED

(sallallahu alejhi ve sellem)

BOSNIAN

(03/08)

النبي محمد ﷺ

FREE COPY

Trebali bi znati o ovom čovjeku!



Your Path To Peace..





مركز المعلومات الإسلامي
Islamic Information Center

لتعريف بالإسلام

دائرة الشؤون الإسلامية والعمل الخيري | تصحيح رقمه (2017/139) | Islamic Affairs & Charitable Activities Department

www.islamicic.com



Ko je Muhammed?

(sallallahu alejhi ve sellem)

“Vi u Božijem Poslaniku imate divan uzor za onoga ko se nada Allahovoj milosti i nagradi na onome svijetu, i koji često Allaha spominje.”

Kur'an 33:21

Muslimani vjeruju da je Muhammed (sallallahu alejhi ve sellem), posljednji Poslanik u dugom nizu poslanika, poslan da pozove ljude poslušnosti i obožavanju jednog Boga (“Allah” na arapskom). Neki od ovih Poslanika su Adem, Nuh, Ibrahim, Ismail, Ishak, Jakub, Jusuf, Musa, Davud, Sulejman i Isa (mir neka je nad svima njima).

Isto kao što je i Musa (alejhi-s-selam) poslat sa Tevratom, originalnom autentičnom objavom, i Isa (alejhi-s-selam) sa Indžilom, autentičnom objavom – a ne modernim izmijenjenim verzijama, muslimani vjeruju da je Muhammed (sallallahu alejhi ve sellem) poslat sa Kur'anom da svojim primjerom pokaže kako bi njegova učenja trebala biti primijenjena.

Poslanikova (sallallahu alejhi ve sellem) žena, Aiša, je jednom pitana da opiše Poslanika (sallallahu alejhi ve sellem), i ona je odgovorila da je on bio “*hodajući Kur'an*”, što znači da je pažljivo i u potpunosti primjenjivao plemenita učenja Kur'ana kroz svoj svakidašnji život. Pokazaćemo kako je ova plemenita učenja pretočio u plemenita djela.



Misija milosti

Pored pozivanja ljudi na namaz (molitvu), post i udjeljivanje (sadake) milostinje, Poslanik (sallallahu alejhi ve sellem) je podučavao da bi vjera pojedinca u Boga trebala također da utiče na njegov odnos prema drugima. Rekao je, “*Najbolji od vas su oni koji su najljepšeg ponašanja.*”

“A tebe (Muhamede) smo (Bog) samo kao milost svjetovima poslali.”

Kur'an 21:107

Mnoga kazivanja Poslanika (sallallahu alejhi ve sellem) ističu vezu između vjerovanja i djelovanja, na primjer, “*Ko vjeruje u Allaha i Sudnji dan, neka ničim ne uznemirava komšiju! Ko vjeruje u Allaha i Sudnji dan, neka lijepo ugosti svoga gosta! Ko vjeruje u Allaha i Sudnji dan, neka govori hajr (korisno), ili neka šuti!*”



Poslednji Poslanik (sallallahu alejhi ve sellem) je učio ljude da pokažu milost i da poštuju jedni druge, **“Onome ko ne ukaže milost drugima, neće ni njemu biti ukazana milost.”**

U drugom pripovijedanju, neki ljudi su tražili od Poslanika (sallallahu alejhi ve sellem) da zamoli Boga da kazni nevjernike, pa je na to odgovorio, **“Ja nisam poslan da proklinjem već kao milost.”**

Oprost

Poslanik (sallallahu alejhi ve sellem) je bio onaj koji je najviše praštao od svih ljudi i bio je najljubazniji. Kada bi ga zlostavljali, opraštao im je, i što bi osoba bila grublja, on je postajao strpljiviji. Bio je jako blag i popustljiv, pogotovo kada je vladao i kada je imao moć da se osveti.

“Neka oprostite i ne zamjere! Zar vam ne bi bilo drago da i vama Allah oprosti? A Allah prašta i samilostan je.”
Kur'an 24:22

Muhammed (sallallahu alejhi ve sellem) je opraštao bez obzira koliki zločin ili kolika je agresija bila počinjena nad njim, i za njega nikada nije bila toliko velika da on nije mogao da je oprost. Bio je najbolji primjer oprosta i ljubaznosti, kao što pominje sljedeći ajet iz Kur'ana, **“Ti sa svakim lijepo (O Muhammede), i traži da se čine dobra djela, a neznanica se kloni!”** Kur'an 7:199

Jednakost



“Doista, najugledniji kod Boga je onaj koji je najpravedniji od vas.”
Kur'an 49:13

U sljedećim Poslanikovim (sallallahu alejhi ve sellem) kazivanjima, podučavao je kako su sva ljudska bića jednaka u očima Boga,

“Svo čovječanstvo je od Adema a Adem je od ilovače. Arapin nema prijednost nad ne-arapom, niti crnac nad bijelcem; osim u bogobožnosti.”

“Bog vam ne sudi po vašem izgledu ni bogatstvu, već gleda u vaša srca i gleda u vaša djela.”

Zapisano je da je jedan od Poslanikovih (sallallahu alejhi ve sellem) ashaba nazvao drugog na uvredljiv način, **“Sine crne žene!”** Poslanik (sallallahu alejhi ve sellem), se naljutio i odgovorio: **“Da li ga osuđuješ po tome što je njegova majka bila crna? Još uvijek u sebi nosiš tragove neznanja iz predislamskog perioda.”**



Tolerancija

“Dobra i zla djela nisu ista! Zlo dobrim uzvrati, pa će ti dušmanin tvoj odjednom prijatelj postati.”

Kur'an 41:34

“Ne bi trebali nanositi zlo onima koji vama nanose zla, već sa njima postupajte sa opraštajem i ljubaznošću.” Ovako je posljednji Božiji Poslanik (sallallahu alejhi ve sellem) reagovao na lične uvrede i zlostavljanja.

Islamski izvori uključuju brojne slučajeve gde je Poslanik (sallallahu alejhi ve sellem) imao šansu da se osveti onima koji su ga povrijedili, ali se uzdržao.

Učio je ljude da se uče strpljenju usred nedaća: **“Nije jak onaj koji nadjača ljude svojom snagom, već je jak onaj koji se kontroliše dok je u bijesu.”**

Praktikovanje strpljenja i tolerancije ne znači da bi musliman trebao da bude pasivan – bez otpora, a ni da odustaje od odbrane u slučaju napada. Poslanik Muhamed (sallallahu alejhi ve sellem) je kazao, **“Ne poželite da se susretnete sa neprijateljem, ali ako ga sretnete, budite strpljivi (odnosno budite mirni i hrabri kada se s njim suočite).”**

Blagost


Ashab koji je služio Muhameda (sallallahu alejhi ve sellem) deset godina rekao je da je Muhammed (sallallahu alejhi ve sellem) uvijek bio ljubazan pri svim njegovim kontaktima sa njim. **“Kada bih nešto uradio, nikada nije dovodio u pitanje moje ponašanje; a kada ne bih uradio nešto, nikada se nije raspitivao o mojim razlozima neuspjeha. Bio je najdruželjubiviji od svih ljudi.”**

“Samo Božijom milošću ti si blag prema njima; a da si osoran i grub, razbježali bi se iz tvoje blizine.”

Kur'an 3:159

Jednom prilikom, žena Poslanika (sallallahu alejhi ve sellem) reagovala je ljutito nakon što je bila uvrijeđena od jedne osobe.

Poslanik (sallallahu alejhi ve sellem) ju je savjetovao: **“Budi blaga i smirena, O Aiša, jer Allah voli blagost u svim poslovima.”**



Nastavak blagosti...

Također je rekao, **“Pokaži blagost! Jer u čemu kod se nađe blagost, uljepšaće tu stvar, a iz čega god se izuzme, učini tu stvar manjkavom.”**

Poniznost

Poslanik (sallallahu alejhi ve sellem) je sprečavao ljude da se zalažu za njega iz poštovanja. Sjedio bi gdje god bi bilo slobodnog mjesta na skupu, a nikada nije tražio istaknuto ili uzvišeno mjesto. Nikada nije nosio odjeću koja se isticala od ostalih a ni onu koja bi mu označavala viši rang. Družio se sa siromašnima; sjedio bi sa starijima i pomagao bi udovice. Ljudi koji ga nisu poznavali, nisu ga mogli razlikovati od ostalih kada bi bio u društvu.

“A robovi Milostivog (Boga) su oni koji po zemlji ponizno hodaju, a kada ih bestidnici oslove, odgovaraju: Mir vama!”
Kur'an 25:63

Obraćajući se ashabima, kazao je, **“Allah mi je objavio da vi morate da budete skromni. Ne bi trebali da se hvalite jedan preko drugog, i niko ne treba da ugnjetava drugog.”**

Tolika je bila njegova skromnost da se plašio da postane predmetom obožavanja, privilegije koju jedino Bog zaslužuje:



“Ne prelazite granice u veličanju mene kao što to kršćani rade veličajući Isaa, sina Merjeminog. Ja sam jedino Božiji rob (sluga); prema tome, zovite me Božijim robom ili Njegovim Poslanikom.”

Idealni muž

Poslanikova voljena žena Aiša, kazala je o svom plemenitom mužu, **“Uvijek je pomagao oko kućnih poslova i povremeno bi krpio svoju odjeću, popravljao bi svoje cipele ili čistio pod. Muzao bi životinju, čuvao ih i hranio i radio ostale kućne obaveze.”**

“S njima (vašim ženama) lijepo živite.”
Kur'an 4:19

Ne samo da je bio posvijećen muž, također je ohrabrivao svoje ashabe da slijede njegov primjer: **“Najbolji od vjernika je onaj koji je najbolji u lijepom ponašanju. A najbolji među njima su oni koji se najljepše odnose prema svojim ženama.”**



Idealni primjer

“Jer ti si
(O Muhammede),
zaista, najljepše
čudi.”

Kur'an 68:4

Ono što je prethodilo je samo odsjaj onoga kako je Muhamed (sallallahu alejhi ve sellem) živio svoj život.

Pomenuti primjeri ljubaznosti i milosti su za neke možda iznenađenje zbog načina predstavljanja islama u medijima i konstantnim netačnim iznošenjima.

Važno je pri pokušaju da se razumije islam, da se ide direktno na izvor znanja: Kur'an, i učenja i djela Poslanika Muhameda (sallallahu alejhi ve sellem), i da ne treba da se sudi islamu prema zabludjelim ispadima nekolicine muslimana.

Komentari nemuslimana

Mahatma Gandhi, vrhovni politički i duhovni vođa pokreta Indijskog oslobođenja, primijetio je: **“To je bila kruta jednostavnost, potpuna skromnost Poslanika, potpuno ispunjavanje njegovih obećanja, njegova intenzivna posvijećenost svojim prijateljima i sljedbenicima, njegova neustrašivost, njegovo potpuno povjerenje u Boga i u sopstvenu misiju. Ova djela, a ne mač, iznijela su sve pred njima i pomogla su im da prevaziđu svaku prepreku.”**

Džord Bernard Šo, Britanski dramski pisac je izjavio: **“Svijet je u očajničkoj potrebi za čovjekom sa umom Muhammeda; religiozni ljudi Srednjeg vijeka, zbog svog neznanja i predrasuda, prikazivali su ga na veoma mračan način jer su ga shvatali neprijateljem kršćanstva. Ali izučavajući priču o ovom čovjeku pronašao sam to da je bio zapanjujuća ličnost, i došao sam do zaključka da on nikada nije bio neprijatelj kršćanstva, i da bi umjesto toga trebao da bude prozvan spasiocem čovječanstva. Po mom mišljenju, ako bi mu bila data kontrola nad svijetom danas, riješio bi naše probleme i obezbijedio bi mir i sreću za kojom svijet žudi.”**

 **HOTLINE**

+971 56 204 2045





islamicicdx



 islamicic.com  info@islamicic.com  +971 4 355 5223

DOWNLOAD BOSNIAN FLYER
www.islamicic.com/bosnian

CONTENTS



ISA (ISUS)

BOŽIJI POSLANIK

BOSNIAN

(04/08)

النبي عيسى عليه السلام

FREE COPY

MUSLIMANI

♥ ISAA (ISUSA)






Your Path To Peace..

مركز المعلومات الإسلامي
Islamic Information Center

لتعريف بالإسلام

دائرة الشؤون الإسلامية والعمل الخيري
Islamic Affairs & Charitable Activities Department

www.islamicic.com



Isa alejhi-s-selam je osoba koju vole i poštuju milijarde ljudi širom planete, ipak, postoji toliko nejasnoća koje okružuju lik ove izvrsne osobe. Muslimani i hrišćani zajedno visoko cijene i poštuju Isusa, ali oko njega imaju različite poglede.

Ova brošura ima za cilj da pojasni pitanja koja se tiču Isaa (Isusa): Da li je Isa (Isus) Bog, ili je poslat od Boga? Ko je zapravo historijski Isa (Isus)?

„ISA (ISUS) KAO BOG“



Neki hrišćani tvrde: „Isus je Bog“ ili dio trojstva – što znači da je on otjelovljenje Boga na zemlji i da je Bog uzeo ljudski oblik na Zemlji. Međutim, prema Bibliji, Isus se rodio, konzumirao je hranu, imao je potrebu za snom, molio se, klanjao se Bogu, imao je ograničeno znanje u mnogim situacijama – svojstva koja ne dolikuju Bogu. Bog posjeduje savršena svojstva dok ih čovek ne posjeduje. Tako da kako može nešto što je u biti potpuno suprotno biti jedno te isto u isto vrijeme? To je nepojmljivo.

Islamska učenja su da je Bog uvijek savršen. Vjerovanjem da je Bog postao čovjek tvrdimo da je Bog sada ili nekada (u nekom vremenskom periodu) nesavršen, jer je čovjek nesavršen. Svaki hrišćanin/hrišćanka mora da se zapitaju da li učenja o Bogu koji je nekada bio nemoćno dijete, neko ko nije mogao da preživi bez hrane, pića ili sna, može da bude Svemogućí Bog iz Starog Zavjeta? Apsolutno ne.

Neko bi mogao da kaže: „**Ako Bog može sve da učini, zašto onda ne bi mogao da postane čovjek?**“ Po pravilu, Bog ne čini nebožanska djela. Bog ne čini ništa što bi Ga učinilo nečim drugim do Bogom. Jer ako bi Bog postao čovjek i uzeo ljudska svojstva, onda On, neizostavno, ne bi više bio Bog.

Neki dvosmisleni stihovi u Bibliji mogu se pogrešno iskoristiti i tako ukazati na neku vrstu Isusove božanstvenosti. Međutim, ako pogledamo u jasne i direktne stihove u Bibliji, vidjećemo da je Isus konstantno opisan kao izvanredno ljudsko biće, ali ništa više od toga. U Bibliji su sadržani mnogobrojni stihovi u kojima Isus govori i u kojima se ponaša kao osoba koja se razlikuje od Boga. Na primjer:

- Isus se „**spustio licem na tlo i molio**“ (Jevanđelje po Mateju, 26:39). Ako je Isus bio Bog, zašto bi se Bog spustio licem na tlo klanjajući se i moleći? I kome bi se onda molio?
- Biblija Isusa naziva Poslanikom (Jevanđelje po Mateju, 21:10-11). Kako je moguće da Isus bude Bog i Božiji Poslanik u isto vrijeme?
- Isus je kazao: „**Idem ka Ocu, jer je Otac veći od mene**“ (Jevanđelje po Jovanu, 14:28)
- Isus je kazao: „**Vraćam se k Ocu svom i Ocu vašem, I Bogu svom i Bogu**



vašem.“ (Jevanđelje po Jovanu, 20:17). Ako je Isus bio Bog, zašto je rekao: „**Bogu svom i Bogu vašem**“, i kome se vraćao?

Ako je Isus bio Bog, on bi onda jasno rekao ljudima da ga obožavaju, i također bi postojali jasni stihovi u Bibliji koji ovo navode; međutim, Isus je učinio suprotno i osudio je svakog onog ko ga obožava: „**No zaludu me poštuju,**“ (Jevanđelje po Mateji, 15:9)

„BOŽIJI SIN“

Neki hrišćani tvrde da je „Isus sin Božiji“. Šta to u stvari znači? Naravno, Bog je uzvišen od toga da ima fizičkog ili duhovnog sina. Ljudi imaju kao djecu ljude. Mačke imaju mačiće. Šta to znači kada se kaže da Bog ima dijete?

Prije nego što se ovaj izraz shvati bukvalno, naći ćemo da je izraz „**Božiji sin**“ simbolički korišten u ranijim biblijskim jezicima za „**pravednu osobu**“, i taj izraz je korišten za poslanika Davuda (Davida), Sulejmana (Solomona) i Jakuba (Izrailja) – a ne samo za Isusa. „**Izrael je sin moj, prvenac moj**“ (Izlazak 4:22). Također, svaka pravedna osoba je u Bibliji naznačena kao Božiji „sin“: „**Jer koji se vladaju po duhu Božijem oni su sinovi Božiji**“. (Poslanica Rimljanima, 8:14)



*„Nezamislivo je da Allah ima dijete, hvaljen neka je On! Kad nešto odluči, On za to samo kaže: “Budi!” – i ono bude.”
Kur'an 19:35*

„OTAC | GOSPOD“

Na isti način, kada se izraz „Otac“ koristi u obraćanju Bogu ne smije se uzeti za bukvalno. Nego je to način da se izrazi da je Bog stvoritelj, održavatelj i apsolutni gospodar svega. Postoje mnogi stihovi u Bibliji uz pomoć kojih možemo shvatiti ovo simboličko značenje riječi „Otac“, na primjer: „**Jedan Bog i Otac svih.**“ (Poslanica Efescima, 4:6)

Također, Isus je ponekad od strane svojih sljedbenika nazivan „Gospodom“. Ovaj izraz je u originalnim Biblijskim jezicima korišten za Boga, kao i za ljude koji su bili visoko cijenjeni. Na primjer, u Grčkom Novom testamentu, izraz „kirios“ je korišten kako za „Gospoda“, tako i za vlasnika vinograda (Jevanđelje po Mateju, 20:8), i učitelja koji je prebio svog neposlušnu slugu (Jevanđelje po Luki, 20:42-47).

U nekim djelovima Biblije, Isus je čak od strane svojih učenika nazivan „slugom Božijom“: „**Bog otaca naših proslavi slugu svoga, Isusa**“. (Djela



apostolska, 3:13) Ovo jasno pokazuje da se izraz „Gospodin“ koristi u obraćanju Isusu, ali u smislu poštovanja, a ne u smislu božanstvenosti.

Napravljeni su pokušaji da razjasne složenost po pitanju prirode Boga i prirode Isusa (Isa a.s.), koji mogu biti prilično zbunjujući ili nezadovoljavajući. Međutim, ključna stvar za razmišljanje je: Zašto bi Bog stvorio tako nešto što je teško shvatiti? Kako se ta komplikovana učenja mogu, uopće, usporediti s jednostavnim, jasnim i čistim učenjem koncepta Boga u islamu?

ISA (ISUS): BOŽIJI POSLANIK

U jevrejskoj religiji Isau, alejhi-s-selam, se poriče pravo da je Mesija – poslat od Boga. Ovo je potpuna suprotnost od hrišćanskog vjerovanja gdje se on obožava kao božanstvo, ili kao Božiji sin. Islam se drži srednjeg puta i priznaje Isusa kao časnog poslanika i vjerovjesnika poslanog od Boga, i priznaje ga kao Mesiju, ali ga muslimani ne obožavaju (ne obožavaju ni Muhammeda), jer se obožava jedino Uzvišeni Bog, koji je stvorio Isusa i sve što postoji.

“Ja sam zaista Božiji sluga, reče on (Isus), meni će on Knjigu dati i vjerovjesnikom me učiniti.”
Kur'an 19:30


ČUDOTVORNO RAĐANJE

Prema Kur'anu, Uzvišeni Allah je poslao meleka Džibrila, u liku čovjeka, časnoj djevici Merjem, da je obavijesti da će da rodi dijete na čudotvoran način, bez oca.

„Ja sam zaista izaslanik Gospodara tvoga“, reče on (Džibril), „da te obradujem i poklonim ti dječaka čista.“ Ona (Marija) reče: „Kako ću imati dječaka?“ Reče ona, „kada me nijedan muškarac nikada nije dodirnuo, a ja nisam bludnica?“ On reče: „Tako (će biti). Tvoj Gospodar kaže: „To je meni lahko, i Mi ćemo ga učiniti da bude znak ljudima i milost Naša. I to je sve unaprijed određeno.“

Kuran 19:19-21

Neki tvrde da je čudotvorno rađanje Isusa dokaz Isusove božanstvenosti. Ipak, Isus nije prva osoba koja postoji bez posredstva oca. Poslanik i prvi čovjek Adem, alejhi-s-selam, nije imao ni oca ni majku. Uzvišeni Allah kaže:



„Zaista, primjer Isaa je kod Allaha isti kao i primjer Adema; od prašine ga je stvorio, a zatim mu rekao: „Budi!“ i on bi! Istina je od Gospodara tvoga, i ne budi od onih koji sumnjaju.“

Kur'an 3:59-60

Ako Isusa obožavaju zato što nije imao prirodnog oca, onda bi zasigurno Adem bio preči za obožavanje jer je stvoren bez ijednog roditelja. Ali, samo se Stvoritelj obožava.

ČUDA KOJA JE ISUS ČINIO


Isus je čudotvorno rođen bez oca a također je, uz Božiju volju i dozvolu, činio velika čuda (mudžize). On je je još kao novorođenče u kolijevci progovorio braneći tako svoju majku od lažnih optužbi da je počinila blud. Kur'an, također, navodi da je Isus oživljavao mrtve, liječio gubavce i slijepe – sve to uz Božiju volju.

Činjenica da je Isus (alejhi-s-selam) izvodio čuda ne znači da on i pored toga nije bio skroman Božiji sluga. Činjenica je da su mnogi Božiji poslanici izvodili čuda, uključujući Nuha, Musaa i Muhammeda, alejhimu-s-selam. I sva čuda koja su se dogodila mogla su se jedino dogoditi Božijom dozvolom, kako bi se dokazala istinitost poslanika.

ISUSOVA PORUKA

Svi poslanici koji se spominju u Starom zavjetu kao što su Ibrahim (Avram), Nuh (Noa), Junus (Jona) nikada nisu podučavali ljude da je Bog dio trojstva, i nisu vjerovali u Isusa kao njihovog spasitelja. Njihova poruka je jednostavna: postoji samo jedan istinski Bog i samo on zaslužuje da se obožava. Nije razumno da Bog šalje Poslanike tokom hiljade godina sa jednom originalnom porukom, i da je onda odjednom promijeni, tvrdeći da je On sada dio trojstva, i uslovljavajući da je vjerovanje u božanstvenost Isusa jedini put spašenja.

Istina je ta da je Isus podučavao istoj poruci kao svi prethodni poslanici iz Starog Zavjeta. Postoji pasus u Bibliji koji zaista ističe osnovu ove poruke. „I pristupi jedan od književnika koji ih slušaše kako se prepiru, i vide da im dobro odgovara, i zapita ga: Koja je prva zapovijest od svih? A Isus odgovori mu: „Prva je zapovijest od svih: Čuj Izrailju, Gospod je Bog naš Gospod jedini“. (Jevanđelje po Marku, 12:28-29.), Tako da prema Isusu najveća zapovijest i najbitnije vjerovanje to da je Bog jedan. Da je Isus bio Bog on bi tada rekao: „Ja sam Bog, obožavajte mene“. Naprotiv, on je jednostavno ponovio stih iz Starog zavjeta potvrđujući da je Bog jedan.



"A kad je Isa jasne dokaze donio, rekao je: ... "Allah je i moj i vaš Gospodar, pa samo Njega obožavajte! Ovo je jedini Pravi put!"
Kur'an 43:63-64

Ovo se slaže sa islamskim učenjem o Isusovoj misiji, gde je Isus od Boga poslat potomcima Izrailja da potvrdi poruku prethodnih poslanika – da vjeruju u Jedinog Istinskog Boga. Kao častan i pokoran Božiji Poslanik, Isus se dobrovoljno predao Božijim zapovijestima. I kao takav, bio je „musliman“- jer je to svaki onaj koji se preda Božijoj volji i zapovijestima.

ISUS U ISLAMU

Isa (Isus) je bio plemeniti Poslanik poslat od Boga da poziva ljude da obožavaju samo Boga. Doista je ovo očigledno u Bibliji a potvrđeno je u Kur'anu. Islamsko vjerovanje o Isau ukazuje na istinu o njemu, alejhimu-s-selam, zadržavajući čisto vjerovanje u Boga i u Njegovu savršenu Uzvišenost, Nedostižnost i Perfektnost.

Mi te pozivamo da nastaviš i istražiš istinu o islamu. Jer nije u pitanju neka druga religija. U pitanju je ista poruka koju su propovijedali Nuh (Noa), Ibrahim (Avram), Musa (Mojsije), Isa (Isus) i Muhammed, alejhimu-s-selam (neka je mir na sve njih). Islam znači „predanost Bogu“, i on je prirodan i potpun način života koji podstiče čovjeka da se usredsredi na svoju relaciju sa Bogom i Njegovim stvorenjima. Učenje islama je da je Bog Svepravedan i Svemilostiv i da nema potrebe da se žrtvuje da bi ljudima oprostio grijehe, i da „niko nije rođen griješan“ Bog sudi ljudima na osnovu njihovih ličnih djela, i svako je odgovoran za svoja djela.

Islam nas podučava da volimo i poštujemo sve Božije poslanike, ali ljubav i poštovanje prema njima ne znači da ih obožavamo, jer se samo Bog može obožavati. Spoznajom Isusa kao Božijeg Poslanika i prihvatanjem islama ne znači gubljenje ili mijenjanje hrišćanskog identiteta. Naprotiv, u pitanju je vraćanje originalnom i čistom Isusovom učenju.

 **HOTLINE**

+971 56 204 2045





islamicicdx

 islamicic.com  info@islamicic.com  **+971 4 355 5223**



DOWNLOAD BOSNIAN FLYER
www.islamicicdx.com/bosnian

CONTENTS



ŠTA JE SMISAO ŽIVOTA?

BOSNIAN

(05/08)

الغاية من الحياة

FREE COPY

Odakle sam došao?

Zašto sam ovdje?

I gdje idem nakon smrti?





Your Path To Peace..

مركز المعلومات الإسلامي
Islamic Information Center

للشؤون الإسلامية

دائرة الشؤون الإسلامية والعمل الخيري | Islamic Affairs & Charitable Activities Department

www.islamici.com



ŠTA JE SMISAO ŽIVOTA?

Jedno od prvih pitanja na koje čovjek pomisli kada razmišlja o smislu života je „odakle sam došao?“ Da li postojimo na osnovu slučajnog prirodnog događaja ili tu postoji uzvišeno inteligentno biće, Stvoritelj? Postoje mnogi logički i racionalni razlozi za vjerovanje u Stvoritelja. Navešćemo tri sažeta razloga.

1. Početak svemira



Prvi dokaz koji ukazuje na postojanje Boga tiče se razumijevanja porijekla Svemira.

Zamislite da šetaš pustinjom i naiđeš na sat. Znamo da se sat sastoji od stakla, plastike i metala. Staklo se dobija od pijeska, plastika od nafte, a metal se vadi iz zemlje – sve ove komponente se nalaze u pustinji. Da li bi povjerovao da se sat formirao sam od sebe, slučajno? Da je Sunce sijalo, vjetar duvao, munja udarila, nafta izvirila iz zemlje i pomiješala se sa pijeskom i metalom, i tokom milionima godina sat se sklopio slučajno ili prirodnom slučajnošću?

Neki će reći „Ko je stvorio Boga“? Bog, Stvoritelj, se razlikuje od svojih stvorenja. Bog je vječan, oduvijek postoji i nema početka.

Čovjekovo iskustvo i jednostavna logika nam govore da nešto što ima početak ne može jednostavno prosteći iz ničega, niti da nešto može samo sebe stvoriti. Tako da je najracionalnije objašnjenje da je Uzvišeno „Biće“ stvorilo svemir. Ovo „Biće“ mora biti vrlo moćno i inteligentno čim je cio svemir dovelo do postojanja i stvorilo „ naučne zakonitosti“ koje upravljaju svemirom. Također možemo prosuditi da je ovo „Biće“ izvan našeg prostora i vremena, zato što su vrijeme,

prostor i materija nastali stvaranjem svemira. Sva ova navedena svojstva sačinjavaju osnovni koncept Boga, Stvoritelja svemira. Ovo se savršeno podudara sa modernom naukom koja je došla do zaključka da je svemir ograničen i da ima svoj početak.



2. Savršenost svemira

Drugi dokaz koji ukazuje na postojanje inteligentnog Stvoritelja jeste red i savršeni balans našeg kompleksnog svemira.

Mnoge karakteristike u svemiru jasno ukazuju na to da su specijalno dizajnirane da bi podržale život na Zemlji, kao što je Zemljina udaljenost od Sunca, čvrstoća Zemljine kore, brzina pri kojoj se Zemlja okreće oko svoje ose, procenat kiseonika u atmosferi, pa čak i sam nagib Zemlje. Kada bi ove dimenzije bile samo malo drugačije od onih trenutačnih dimenzija, život na Zemlji ne bi postajao.

Kao što je slučaj sa časovnikom kojeg je inteligentni proizvođač proizveo da bi pokazao tačno vrijeme, isto tako nebesa i Zemlja moraju imati inteligentnog Proizvođača da bi održali precizno vrijeme oko Sunca. Da li se ovo moglo dogoditi samo od sebe?

“U stvaranju nebesa i Zemlje i u izmjeni noći i dana su, zaista, znamenja za razumom obdarena.”
Kur'an 3:190



Kada uočimo red, precizne zakone i sisteme u nama samima i u cijelom svemiru, zar nije razumno uvidjeti da oni imaju Organizatora? Ovog „Organizatora“ možemo objasniti postojanjem Boga – Onaj koji je sve ovo doveo u savršeni red.

3. Božije Objave

Treći dokaz koji ukazuje na postojanje Boga je aktuelna objava koju je Bog poslao čovječanstvu kao znak Njegovog postojanja. Postoje jasni znaci da je sveta knjiga u islamu - Kur'an - Božija riječ. Navešćemo kratak pregled činjenica koje podržavaju ovu tvrdnju. **Kur'an:**

- Objavljen je prije više od 1.400 godina, i sadrži naučne činjenice koje su u vrijeme objavljivanja bile nepoznate ljudima tog vremena a koje je nauka nedavno otkrila. Na primjer: da je voda izvor svim živim bićima (Kur'an, 21:30); proširivanje svemira (Kur'an, 51:47) i individualne orbite Sunca i Mjeseca (Kur'an, 21:33).
- Sadrži mnoge historijske činjenice koje su bile nepoznate ljudima tog vremena, kao i mnogobrojna predskazanja koja su se kasnije obistinila.

Ako je Bog objavio knjigu - Upute, očekivali bi da sadrži jasne dokaze o postojanju Boga.



- Čist je od bilo kakvih grešaka ili kontradikcija bez obzira na to što je postepeno objavljivao tokom 23 godine, sa obzirom da obuhvata širok spektar različitih poglavlja.
- Sačuvan je, riječ po riječ, od kako je objavljen na njegovom izvornom arapskom jeziku, suprotno od drugih svetih knjiga koje više ne postoje u svoem originalnom obliku.
- Sadrži jednostavnu, jasnu i univerzalnu poruku kojom se obraća ljudskom intelektu i nasljednom vjerovanju u Svemogućeg Boga:
- Ostavlja dubok i dirljiv uticaj na čovjeka.
- Objavljen je poslaniku Muhammedu (sallallahu alejhi ve sellem) koji po historijskoj činjenici, nije znao ni da čita ni da piše, i pored toga Kur'an sadrži jedinstveni jezički stil koji je i danas univerzalno poznat kao vrhunac arapske rječitosti i lingvističke ljepote.

Najracionalnije objašnjenje za mnoge jedinstvene i čudesne aspekte Kur'ana je da može biti jedino od Boga.

Bog je slao Uputu

Spoznajom da smo stvoreni od strane Sveznajućeg Stvoritelja, očekivali bi da znamo našu svrhu. Kako možemo znati šta Bog očekuje od nas? Da li živimo u iskušenju ili u zabludi, ili sami sebi određujemo svrhu? Da li da se prepustimo društvu slijedeći druge? Ne. Bog je poslao Poslanike i objave da bi nas obavijestio koja je naša svrha.

Bog je poslao na hiljade poslanika i vjerovjesnika, najmanje po jednog svakom narodu, sa istom porukom: obožavajte jedino Boga i slijedite Njegovu uputu. Neki od tih poslanika su Adem, Nuh, Ibrahim, Musa, Isa i Muhammed (alejhimu-s-selam).

Poslanik Muhammed, sallallahu alejhi ve sellem, je posljednji u nizu Poslanika, bio je odličan primjer iskrenog, pravednog, milostivog, i hrabrog ljudskog bića. Poslat je sa posljednjom objavom od Boga, sa Kur'anom da bi pokazao kako se njegova učenja trebaju sprovesti.

Kur'an je knjiga upute i objašnjava mnoga načela kao što je svrha našeg postojanja; ko je Bog; djela koja su Bogu draga i djela koja to nisu; priče o poslanicima i pouke o njima, obavještenja o Džennetu, Džehennemu i Sudnjem danu. Cilj Kur'ana je da pojasni pogrešna shvatanja o prirodi Boga, kao i da pojasni osobinu i ulogu poslanika Isaa, alejhisselam, upoređujući je sa prirodom Boga.

Isa (Isus); alejhi-s-selam, je kao i svi drugi poslanici; činio čuda a pri tom je i pozivao ljude da obožavaju jedinog istinskog Boga.

Kur'an 19:36

Osobine Isusa

Neki hrišćani tvrde da je Isus **"Bog"** ili dio trojstva – što znači da je on otjelovljenje Boga na Zemlji i da je Bog uzeo ljudski oblik na Zemlji. Međutim, prema Bibliji, Isus se rodio, konzumirao hranu, spavao, molio se, klanjao Bogu, imao ograničeno znanje u mnogim situacijama – svojstva koja ne dolikuju Bogu. Bog posjeduje savršena svojstva dok čovjek ne posjeduje. Tako da, kako može nešto što je u biti potpuno suprotno jedno drugom biti isto u isto vrijeme? To je nepojmljivo.

Ipak, neko bi mogao reći: „**Ako Bog može učiniti sve, zašto onda ne bi mogao postati čovjek**“ Po pravilu, Bog ne čini nebožanska djela, jer ako bi Bog postao čovjek i uzeo ljudska svojstva, onda On, neizostavno, ne bi više bio Bog.

Također, u Bibliji su sadržani mnogi stihovi u kojima Isus govori i u kojima se ponaša kao osoba koja se razlikuje od Boga. Na primjer, Isus se „**spustio licem na tlo i molio**“ (Jevanđelje po Mateju, 26:39). Ako je Isus bio Bog, zašto bi se onda Bog spustio licem na tlo i molio? I kome se onda molio?



Neki hrišćani tvrde da je „**Isus sin Božiji**“. Trebamo se zapitati, šta to u stvari znači? Naravno, Bog je uzvišen od toga da ima fizičkog ili duhovnog sina. Doista ćemo pronaći da je izraz „**Sin Božiji**“ korišten u ranijim biblijskim jezicima kao simbolika za „**pravednu osobu**“. Isti izraz je korišten kroz Stari zavet za mnoge pravedne ljude kao što su Davud (David), Sulejman (Solomon) i Jakub (Izrailj) – a ne samo za Isusa. „**Izrael je sin moj, prvenac moj**“ (Izlazak, 4:22) – je jedan od takvih primjera.



Islamsko vjerovanje o Isusu ukazuje na to ko je Isa (Isus), alejhi-s-selam, zaista bio, zadržavajući čisto vjerovanje u Boga i u Njegovu savršenu Uzvišenost, Nedostižnost i Perfektnost. Bez sumnje, Isus je bio veliki i častan poslanik poslan od Boga da poziva ljude da obožavaju jedinog Boga.

“Nezamislivo je da Allah ima dijete, hvaljen neka je On! Kad nešto odluči, On za to samo kaže: “Budi!” – i ono bude!”

Kur'an 19:35

Pokušavajući da razumijemo pojam Boga u islamu, važno je da razmotrimo i status Isusa, o kojem su rasprostranjene nejasnoće i različite tvrdnje o njegovim osobinama.





Dakle... **Zašto** postojim?

Svako od nas je svjestan da djelovi našeg tijela, kao što su oči, uši, mozak i srce imaju svoju svrhu. Zar nije prihvatljivo i da čovjek, kompletan, također ima svoju svrhu?

Bog, Svemudri, nas nije stvorio da jednostavno lutamo bez cilja, ili da samo zadovoljimo naše osnovne instikte i požude. Ne – mi imamo uzvišeniju svrhu – da spoznamo i obožavamo jedino Boga, da bi tako živjeli pod uputom našeg Stvoritelja. Uputa nam omogućava da živimo uspješnim i blagoslovljenim životom u svim njegovim sferama. Ova Uputa uključuje lična djela, predanost kao što je molitva-klanjanje, kao i korisna djela u društvu kao što je dobročinstvo komšiji, podržavanje i dobročinstvo porodici, iskrenost, i briga o životinjskom svijetu.

Bog nam strogo zabranjuje obožavanje bilo čega drugog (npr., kipove, svece, Sunce, Mjesec, monahe ili poslanike). Bogu nisu potrebni saučesnici niti posrednici. Svako može u svakom vremenu direktno obožavati Boga.

Bog opisuje ovaj život kao iskušenje – test, i ljudi su iskušani na različitim načinima. Mi ne možemo kontrolisati sve ono što nam se događa, ali možemo kontrolisati naše reakcije na te događaje. Strpljivost u nevolji, i zahvalnost na blagodatima su načini sa kojima se približavamo Bogu i postižemo vječiti Džennet. Mi smo, također, upozoreni strahovitom kaznom u Džehennemu ako izaberemo nepokornost i ignorisanje Božijih zapovijesti.

Dakle... **Kako** da postupim?

Iskušenje nečije vjere se ogleda u sposobnosti korišćenja njegovog razuma u razmišljanju i spoznaji Božijih znakova i postupanju prema **Njegovoj uputi**. Ovo je jedino moguće ako se pokorimo Božijim zapovijestima, što na arapskom jeziku znači postati „**musliman**“.

Bog, Jedan i jedini Stvoritelj, na arapskom „Allah“ – je islam učinio dostupnim svim ljudima, bez obzira na njihovu historiju, porijeklo ili trenutnu situaciju. Tako da svako može postati muslimanom jednostavim vjerovanjem, i izgovaranjem sljedećih riječi koje označavaju svjedočanstvo vjere:

„Svjedočim da nema drugog istinskog boga vrijednog i zazlužnog obožavanja osim jedinog Boga (Allaha), i svjedočim da je Muhammed Allahov poslanik.“

Zar nije vrijeme da upotpuniš svoj smisao postojanja, da se predaš istini i da spoznaš svog Stvoritelja?



+971 56 204 2045





islamicicdx

islamicic.com @info@islamicic.com +971 4 355 5223



DOWNLOAD BOSNIAN FLYER
www.islamicicdx.com/bosnian

CONTENTS



BOSNIAN

(06/08) مفاهيم خاطئة حول الإسلام

FREE COPY

Neistine u vezi sa Islamom

Šta ti uistinu znaš?

TERORIZAMhidžab
MAČNprisiljavaASIL
NOVOGmesecaBOG
ARAPIBORBATlačī
KNITŽEVNIH



Your Path To Peace..

مركز المعلومات الإسلامي
Islamic Information Center

مكتبة المعلومات

دائرة الشؤون الإسلامية والعمل الخيري
Islamic Affairs & Charitable Activities Department

www.islamicic.com



Islam je jedna od najvećih religija na svijetu, i također je najpogrešnije protumačena. Iz različitih razloga, svejedno da li je to iz političkih, ekonomskih, medijskih, ili prirodnog straha od „drugačijeg“, neistine i iskrivljena slika se konstanto šire o islamu. Najbolji način da razumijemo islam i muslimane jeste da se odupremo stereotipima i da razmotrimo svaku situaciju prema islamskom učenju i autentičnim izvorima.

1. „Muslimani nemaju **dobre i plemenite** vrline kao nemuslimani“

Kazao je poslanik Muhammed, sallallahu alejhi ve sellem: „Najbolji među vama su oni sa najboljim vrlinama i karakteristikama.“

Neki ljudi neosnovano tvrde da se islamske vrijednosti ne slažu sa pristojnim „zapadnim“ vrijednostima. Takve tvrdnje su daleko od istine.

Muslimani njeguju plemenite i univerzalne osobine kao što su:

- iskrenost i pravednost,
- ispunjavanje datog obećanja,
- pravo na slobodno ispovijedanje vjere,
- poštovanje roditelja, rodbine, komšija i starijih ljudi
- udjeljivanje milostinje, plemenitost i staranje o siromašnim i ljudima sa posebnim potrebama,
- bez laganja, varanja, psovanja i vrijeđanja bilo koga,



Muslimani su dužni da pozitivno doprinose u društvu i da uvijek budu najuzvišenijeg morala i lijepog ponašanja.

2. „Muslimani obožavaju **novog** boga koji se zove **Allah**“

Riječ „Allah“ na arapskom jeziku znači Svemogući Bog – Arapska riječ sa bogatim značenjem, označava jednog i jedinog Boga. Kršćani i jevreji koji govore arapskim jezikom, također, koriste riječ Allah kada se obraćaju Bogu.

Muslimani obožavaju istog Boga kojeg su obožavali poslanici Nuh (Noa), Ibrahim (Avram), Musa (Mojsije) i Isa (Isus).

Iako muslimani, jevreji i hrišćani vjeruju u istog Boga (Stvoritelja), njihov pojam o Njemu se jasno razlikuje. Na primjer, muslimani vjeruju da samo Svemogućem Bogu pripada savršenost, i ne prihvataju mišljenje da pored Boga postoje druga božanstva ili da je Bog dio „trojstva“.



3. „Islam dozvoljava terorizam“

Mediji, uopšteno, svakog muslimana koji se bori predstavljaju kao teroristu, svejedno da li se bori pravedno ili nepravedno, i svejedno da li tlači ili je potlačeni.

U ratu, uzimati za cilj nevine ljude koji ne ratuju je podao čin koji islam jasno zabranjuje. U ratu muslimanima nije dozvoljeno da uništavaju drveća i usjeve kao ni životinje, a kako je onda sa ljudima? Naravno, važno je napraviti razliku između terorizma i legitimnog otpora na okupaciju, jer se to dvoje vrlo razlikuju.

Kur'an jasno upozorava na ubijanje nevinih ljudi, i ukazuje na vrijednost ljudskog života:

„Ako neko ubije nekoga ko nije ubio nikoga, ili onoga koji na Zemlji nered ne čini – kao da je sve ljude poubijao; a ako neko bude uzrok da se nečiji život sačuva, - kao da je svim ljudima život sačuva.“

Kur'an 5:32

4. „Islam tlači žene“

U islamu, muškarci i žene se smatraju jednakim pred Bogom, u smislu da će oboje podjednako biti nagrađeni ili kažnjeni za svoja djela. Jedina stvar po kojoj se ljudi razlikuju kod Boga jeste njihova pobožnost i bogobožnost.




„Zaista je najugledniji od vas kod Allaha onaj koji je najpobožniji.“ - Kur'an 49:13

Ovaj ajet dokazuje da se prava počast i status ne postižu time što je osoba siromašna ili bogata, bijele ili tamne puti, muško ili žensko, nego se postiže pobožnošću i posvijećenošću.

Ženama je dat najveći stepen poštovanja i počasti, kao što je pravo na istu nagradu, biranje supruga, obrazovanje, kao i pravo na razvod i nasljedstvo.

Nažalost, postoje neke žene muslimanke koje su potlačene i kojima nije dato njihovo pravo. Ovo nije krivica islama. Problem je u tome što u nekim zemljama ljudi slijede određena kulturna nasljeđa koja nemaju nikakve veze sa islamom.

Allah, Stvoritelj koji je stvorio oba spola, dodijelio je različite uloge i odgovornosti svakom spolu, uzimajući u obzir njihovu različitost.



5. „Kur'an je samo jedna od historijskih ili književnih knjiga“

Kur'an je uzvišena doslovna riječ Uzvišenog Boga, objavljena poslaniku Muhammedu, sallallahu alejhi ve sellem, preko meleka Džibrila. Kur'an je mjerilo za istinu, u sebi sadrži uputu za čovječanstvo koju treba slijediti. Kur'an prenosi pouke o prethodnim narodima kao i historiju mnogih poslanika kako bi izvukli pouku iz njihovog iskustva. Također nas podučava o nama samima i o našem Bogu, kao i o svrsi našeg postojanja kroz koju trebamo da spoznamo Boga, i Njega jedino da obožavamo.

Bog nije stvorio ljude da bi jednostavno lutali bez cilja. Test za svaku osobu jeste korišćenje svog intelekta, slobodne volje i razmišljanja kroz koje trebamo da spoznamo Božije znake – a jedan od tih najvećih znakova jeste Kur'an.

Kur'an u sebi sadrži mnoga čudesa, da bi na taj način učvrstili svoje vjerovanje u njegovu autentičnost.

Najbolji način da otkrijemo šta je Kur'an, u stvari, jeste da ga sami pročitamo.



6. „Hidžab je ugnjetački“

Razmatrajući hidžab, žene su dužne u islamu da nose u prisustvu muškaraca, koji im nisu u bliskom rodbinskom odnosu, odjeću koja čedno i skromno pokriva njihova tijela, i koja ne ukazuje na crte tijela; također podrazumijeva da se žena okiti plemenitim govorom, skromnošću i dostojanstvenim ponašanjem.

Iako postoje mnoge društvene koristi u nošenju hidžaba, glavni razlog što žene u islamu nose hidžab je to što je hidžab naredba od Boga, i On zna šta je najbolje za Njegova stvorenja.

Hidžab jača ženu tako što ističe njenu unutrašnju duhovnu ljepotu, prije nego što ističe njen spoljašnji izgled. Hidžab omogućava ženi slobodu da bude aktivni član društva, čuvajući pri tom njenu čednost.

Hidžab ne predstavlja potiskivanje, nasilje ili ućutkivanje. Naprotiv, on je zaštita protiv ponižavajućih pogleda, neželjenih situacija i nepravednih diskriminacija. Tako da kada sljedeći put vidite muslimanku, znajte da je pokrila tijelo ali ne i njenu inteligenciju i obrazovanje.



7. „Svi muslimanu su **Arap**“

Arap čine samo oko 20% muslimana u svijetu, što znači da su 80% muslimana **ne-arap**. Npr., više ima Indijaca i Indonežanina muslimana nego arapa muslimana.

Islam podučava da nijedna osoba nije bolja od druge osobe na osnovu rase ili boje, i strogo je protiv bilo koje vrste rasizma. Islam sadrži univerzalnu poruku za sve ljude - a to je da svako može da postigne unutrašnji mir i uspjeh samo kroz spoznaju i obožavanje jedinog istinskog Boga.

8. „Islam podstiče **terorizam**“

Smisao džihada (borbe) jeste borba i poštovanje za svoju vjeru na način sa kojim će Bog biti zadovoljan. Lingvistički, označava „borbu“ i može da se odnosi na nekog ko se trudi da čini dobra djela, ko udjeljuje milostinju, ili da se kada je potrebno pridruži akciji u odbrani islama. Najčešća poznata vrsta jeste islamski vojni džihad koji je dozvoljen onda kada treba da se sačuva sigurnost društva, da se spriječi nasilje i da se sprovede pravda. Ovo može biti u odbrambenim ili u neodbrambenim situacijama.

9. „Muslimani **obožavaju** Muhammeda ili Boga **Mjeseca**“

Islam podučava muslimane da poštuju sve Božije poslanike i vjerovjesnike – ali poštovati ih i voljeti ih nikako ne znači i obožavati ih. Samo se Bog obožava!

Također, još jedna od neistina je ta da muslimani obožavaju poslanika Muhammeda, *sallallahu alejhi ve sellem*. Ovo je apsolutno netačno, i lahko se može negirati samim riječima poslanika Muhammeda:



„Nemojte me veličati kao što kršćani veličaju poslanika Isaa (Isusa), sina

Merjeminog (Marijinog). Ja sam Božiji rob. Tako za mene kažite da sam „Božiji rob i Poslanik“.

Također, jedna od navodnih tvrdnji da muslimani obožavaju „Boga Mjeseca“ je također apsolutno netačna. Obožavanje Mjeseca, ili bilo čega drugog osim jednog Boga, je striktno zabranjeno u islamu:

„Ne klanjajte se ni Suncu ni Mjesecu, već se klanjajte Allahu koji ih je stvorio, ako zaista Njega obožavate.“ - Kur'an 41:37

Islam potvrđuje potpunu savršenost, uzvišenost i jednoću Boga, sa Kojim apsolutno ništa ne može da se uporedi. On je Najpravedniji i Najmilostiviji. Obožavanje Njega Jedinog je najbitnije načelo vjerovanja u islamu, kao što je to spomenuto u Kur'anu na mnogobrojnim mjestima.



10. „Islam dozvoljava prisilne brakove“

Dogovoreni brakovi su kulturološke prakse koje su predominantne u mnogim zemljama širom svijeta. Iako se to dešava i u drugim narodima, prisilni brakovi su netačno povezani sa islamom.

U islamu, oba spola, i muško i žensko imaju pravo da izaberu ili da odbiju potencijalnog bračnog druga, i brak se smatra nevažećim i bezvrijednim ako se ženi ne omogući osnovno pravo pristanka prilikom sklapanja braka.

11. „Islam prisiljava ljude da postanu muslimani“

Iako je dužnost muslimana da prenesu i podijele prelijepu poruku islama ostalim ljudima, niko ne smije da bude prisiljen da prihvati islam. Da bi osoba prihvatila islam, mora iskreno i samovoljno da vjeruje i da se pokori Bogu, tako da po pravilu niko ne smije, niti treba da bude prisiljen da prihvati islam.

Razmatrajući sljedeće:

- Indonezija je zemlja koja ima najveću muslimansku populaciju, i pored toga nijedna bitka nije vođena da bi se islam ponudio njima.
- Postoji oko 14 miliona Arapa kršćana koji već generacijama žive u srcu arapskih zemalja.
- Islam je u današnjem vremenu najbrže rastuća religija u Zapadnim zemljama.
- Iako su borba protiv nasilja i nepravde, i promovisanja pravde validni razlozi za borbu (džihad), prisiljavanje ljudi da prihvate islam nikad nije bio jedan od tih razloga.
- Muslimani su vladali Španijom više od 800 godina, i pored toga nisu ljude prisiljavali na konvertiranje.

Zaključak

Istraživati o islamu iz nekvalifikovanih izvora bez potvrde indentičnosti tih informacija je opasno i vodi u pogrešno shvatanje. Nemojte dovesti sebe u zabludu prihvatanjem netačnih i falsifikovanih informacija o islamu – vjeri u koju vjeruje više od četvrtine čovječanstva.

Zar uputa za cijelo čovječanstvo tj., poruka islama ne zaslužuje da bude pažljivo proučena i razmotrena?

„U vjeri nema prisiljavanja. Jasan put se jasno razlikuje od zablude.“
Kur'an 2:256





+971 56 204 2045



islamicicdx





PRAVA ŽENA U ISLAMU

BOSNIAN

(07/08)

حقوق المرأة في الإسلام

FREE COPY

Poštovana

Počastvovana

Njegovana





Your Path To Peace..



مركز المعلومات الإسلامي
Islamic Information Center

المعلومات بالإسلام

Iznosi se kako je žena u islamu potčinjena, omalovažavana, potlačena – ali, da li je zaista tako? Da li su milioni muslimana zaista toliko surovi ili su ovo zablude koje su izmišljene od strane medija?



“One imaju isto toliko prava koliko i dužnosti, prema zakonu – samo, muševci imaju prijednost pred njima za jedan stepen.”
Kur'an 2:228

Prije više od hiljadu i četristo godina, islam je ženi dao prava koja su ženi na Zapadu tek nedavno data. Godine 1930. Eni Besant je uočila sljedeće, **“Tek je u posljednjih dvadeset godina kršćanska Engleska priznala pravo žena na vlasništvo, dok se u islamu ovo pravo sprovodilo oduvijek. Klevetanje je govoriti da islam podučava da žene nemaju dušu.”** (Život i učenje Muhammeda, 1932)

Muškarci kao i žene zajedno potiču od jedne osobe – Poslanika Adema (alejhisselam). Islam ne prihvata za bilo koga od njih ništa sem pravde i lijepog ponašanja.

JEDNAKA NAGRADA I JEDNAKA ODGOVORNOST

Muškarci i žene obožavaju Allaha na isti način, što znači da obožavaju istog Boga (Allaha), obavljaju iste ibadete, prate iste propise, i zajednička uvjerenja. Allah (arapska riječ za Jednog istinitog Boga Stvoritelja), sudi svim ljudskim bićima pošteno i ravnopravno. Uzvišeni Allah ističe pravedni tretman i nagradu za muškarce i žene, u mnogim ajetima Kur'ana:



“Allah obećava vjernicima i vjericama džennetske bašče kroz koje rijeke teku, u kojima će vječno boraviti, i divne dvorove u vrtovima vječnog blagostanja.”

Kur'an 9:72

“Ni jednom trudbeniku između vas trud njegov neću poništiti, ni muškarcu ni ženi – vi ste jedni od drugih.”

Kur'an 3:195

Ovi stihovi pokazuju kako nagrada zavisi od djela čovjeka/žene a ne od njihovog spola. Spol ne igra nikakvu ulogu u tome kako će osoba biti nagrađena a ni kako će joj biti suđeno.



Ako uporedimo islam sa drugim religijama, možemo da vidimo da on nudi pravdu među spolovima. Na primjer, islam odbacuje ideju da Hava treba više kriviti nego Adema zbog jela sa zabranjenog drveta. Prema islamu, Adem i Hava su zajedno zgriješili, oboje su se pokajali i Allah im je oprostio.

JEDNAKO PRAVO NA ZNANJE

I muškarci i žene su jednako ohrabrivani da traže znanje. Poslanik (sallallahu alejhi ve sellem) je rekao: **“Obrazovanje je obavezno za svakog muslimana.”**

Također, postojale su mnoge žene učenjaci islama koje su živjele u vrijeme Poslanika (sallallahu alejhi ve sellem). Neke su bile iz njegove porodice, a druge su bile sahabijke ili njihove kćerke. Istaknute među njima bila je Aiša, žena Poslanika (sallallahu alejhi ve sellem) preko koje je prenijeta četvrtina islamskog zakona.

Ostale žene bile su veliki učenjaci pravnih nauka i imale su poznate učenjake kao svoje studente.



JEDNAKO PRAVO NA IZBOR SUPRUŽNIKA

Islam je počastvovao žene davajući im pravo da izaberu supružnika i pravo da zadrže svoje naslijeđeno porodično prezime nakon udaje. Pored toga, mnogi imaju utisak da roditelji primoravaju svoje ćerke na brak. Ovo je praksa iz kulture, i nije utemeljena u islamu. Šta više, zabranjena je.

U vrijeme Poslanika Muhameda (sallallahu alejhi ve sellem), žena mu je prišla i rekla: *“Moj otac me je udao za jednog rođaka kako bi uzdigao svoj socijalni status i primorao me na to.”* Poslanik je pozvao njenog oca nakon čega je u njegovom prisustvu **dao djevojci izbor ostanka u sklopljenom braku ili poništavanje braka**. Odgovorila je, *“O Božiji Poslaniče ja sam prihvatila ono što je moj otac uradio, ali sam htjela da ukažem drugim ženama (da one ne bi bile primorane na udaju).”*

JEDNAKI ALI IPAK DRUGAČIJI

Dok je generalni princip da muškarci i žene imaju jednaka prava, određena prava i odgovornosti dati njime nisu identične. Muškarci i žene imaju komplementarna (dopunska) prava i odgovornosti.



Pored spoljašnjih i unutrašnjih anatomskih razlika, naučnici znaju da postoje mnogo drugih suptilnih razlika u pogledu toga kako njihovi mozgovi rasuđuju jezike, informacije i emocije, a navešćemo nekoliko...

Ekspert socio-biologije, Edvard O. Vilson sa Harvard Univerziteta, kaže da su žene sklonije da budu bolje od muškaraca u verbalnim vještinama, saosjećanju i socijalnim veštinama, između ostalog, dok su muškarci skloniji da budu samostalniji, dominantniji, bolji u prostornim i matematičkim vještinama, borci za status, i ostalim karakteristikama.

Bilo bi budalasto tretirati polove istim i ignorisati njihove razlike. Islam uči da muškarci i žene imaju dopunske, ali ipak drugačije uloge, jer to najbolje odgovara njihovim prirodama. Uzvišeni Allah kaže:

"A muško nije kao žensko."
Kur'an 3:36

"A kako i ne bi znao Onaj koji stvara, Onaj koji sve potanko zna, koji je o svemu obaviješten."
Kur'an 67:14



PORODICA

Bog je stvorio čovjeka i ženu da budu drugačiji, sa jedinstvenim ulogama, vještinama i odgovornostima. Na ove razlike se ne gleda kao na dokaze superiornosti ili inferiornosti, već kao upotpunjavanje. U islamu, porodica je od centralne važnosti. Muškarac je odgovoran za finansijsku dobrobit porodice dok žena doprinosi porodičnoj, fizičkoj, edukacionoj i emocionalnoj dobrobiti. Ovo ohrabruje saradnju prije takmičenja. Ispunjavanjem obostranih odgovornosti, prave se jake porodice, a pritom i jaka društva.

Također, emocionalno, ni čovjek ni žena ne žive sretan život jedno bez drugog. Allah ovo prelijepo opisuje kada kaže:

Odjeća obezbjeđuje komfort, toplinu i sugurnost kao i što uljepšava- ovako je odnos između supružnika definisan u islamu.

"One su odjeća vaša, a vi ste njihova odjeća."
Kur'an 2:187



LJUBAV I MILOST U SUPRUŽNIČKIM ODNOSIMA

Poslanik (sallallahu alejhi ve sellem) je, također, ohrabrivao muškarce da se najljepše ponašaju prema svojim ženama: **“Najbolji među vama su oni koji su najbolji (u ponašanju) prema svojim ženama.”**

“I jedan od dokaza Njegovih je to što za vas, od vrste vaše, stvara žene da se uz njih smirite, i što između vas uspostavlja ljubav i samilost; to su, zaista, pouke za ljude koji razmišljaju.”

Kur'an 30:21

Aiša (Poslanikova žena) je jednom pitana kakvo je Poslanikovo ponašanje bilo unutar kuće. Rekla je: **“Bio je poput jednih od vas kod kuće, a ipak, bio je popustljiviji i darežljiviji... Bio je spreman da potpomogne u svakodnevnom kućnom poslu, šio je sopstvenu odjeću i krpio sopstvenu obuću.”** Uglavnom, pomagao je u bilo kom poslu u kojem je zaticao svoje žene.

UZVIŠENI STATUS MAJKI I KĆERKI

Majka ima najveći uticaj na dijete, naročito u ranom periodu odrastanja kroz njenu privrženost, brigu i ljubav. Nesumnjivo, uspjeh društva ogleda se u majkama. Zbog toga, jedino je ispravno za islam da poštuje i uzdiže njihov status.

Allah kaže u Kur'anu:

Poslanik (sallallahu alejhi ve sellem) je jednom upitan, **“O Božiji Poslaniče, ko je među ljudima najzaslužniji mog lijepog ponašanja?”** Rekao je: **“Tvoja majka.”** Čovjek je pitao još dva puta, **“a poslije nje?”** na šta je dobio isti odgovor. Tek nakon četvrtog puta Poslanik je odgovorio: **“Onda tvoj otac.”**

“Čovjeka smo zadužili da roditeljima svojim čini dobro, majka njegova s mukom ga nosi i u mukama ga rađa.”

Kur'an 46:15

Nagrada nije jedino data za lijepo i osjećajno tretiranje majke. Zapravo, islamom se određuje posebna nagrada za odgoj kćerki koja nije propisana za odgoj sinova.

Poslanik Muhamed (sallallahu alejhi ve sellem) je rekao, "Kome god da je Allah dao dvije ćerke, a on bude dobar prema njima, to će mu biti razlog za ulazak u Džennet."




ZAKLJUČAK

Prije islama, žene su smatrane sramotom, ženska djeca su sahranjivana živa, prostitucija je bila raširena, razvod je bio jedino u rukama muža, nasljedstvo je bilo samo za snažne, i ugnjetavanje je bilo široko rasprostranjeno. Sa dolaskom islama ovakve prakse su ukinute. Čak i sada, u "razvijenom zemljama", ženama nije ukazano poštovanje, dostojanstvo ni čast, i nisu jednako plaćene za jednak posao. Islam, međutim, ženu tretira kao dragocjenu i vrijednu, ne dozvoljava da bude nepoštovana i osramoćena. Loše ponašanje prema ženama u nekim Blisko-Istočnim zemljama ili muslimanskim porodicama je zbog pogrešno praćenih kulturnih faktora od strane nekih muslimana, a ne zbog islama. Zbog čega bi, uopće, mnoštvo žena širom svijeta voljno prihvatile islam ako je on surova religija?

Završavamo sa riječima našeg Gospodara i vašeg Gospodara, Tvorca i Održavaoca svih muškaraca i žena:

"Zasigurno muškarci i žene koji se pokore Bogu, i vjernicima i vjernicama, i poslušnim muškarcima i poslušnim ženama, i iskrenim muškarcima i iskrenim ženama, i strpljivim muškarcima i strpljivim ženama, i poniznim muškarcima i poniznim ženama..., Allah je doista, za sve njih oprost i veliku nagradu pripremio."

Kur'an 33:35



 **HOTLINE**

+971 56 204 2045





islamicicdx

 islamicic.com  info@islamicic.com  **+971 4 355 5223**



DOWNLOAD BOSNIAN FLYER
www.islamicic.com/bosnian

CONTENTS



HIDŽAB

BOSNIAN

(08/08)

الحجاب

FREE COPY

Posvijećenost Bogu, Skromnost, Dostojanstvo



Your Path To Peace..





مركز المعلومات الإسلامي
Islamic Information Center

للشؤون الإسلامية

دائرة الشؤون الإسلامية والعمل الخيري | تصحيح رقم: (2017/139) | Islamic Affairs & Charitable Activities Department

www.islamicic.com



Šta je Hidžab?

Riječ „hidžab“ je arapskog porijekla a potiče iz korijena „hadžaba“ što u prijevodu znači prekriti ili sakriti.

U islamskom kontekstu, hidžab predstavlja način oblačenja propisan ženama muslimankama koje su dostigle tjelesnu punoljetnost. Hidžab je propis pokrivanja cjelokupnog tijela sa izuzetkom lica i ruku. Neke se, također, odlučuju na prekrivanje svojih lica i ruku i to se odnosi na burku ili nikab. Nošenje hidžaba se ne zahtijeva u situacijama gdje su prisutne samo žene ili najbliži muški rođaci. Uostalom, hidžab ne predstavlja samo spoljašnji izgled; on označava i plemenit i častan govor, skromnost i dostojanstveno ponašanje. Sve ove časne osobine su obavezne i za muškarce.

U islamu se, također, zahtijeva i od muškaraca da oblače komotnu i neprovidnu odjeću kako bi time sačuvali svoju skromnost i dostojanstvo.

Hidžab je pokornost

Iako postoje mnoge koristi hidžaba, najbitnija je činjenica da je nošenje hidžaba Božija naredba. Tako da je nošenje hidžaba u stvari dio vjere i pokornost Stvoritelju, kao što je to navedeno u Kur'anu:


„Reci ženama vjericama da spuste haljine svoje niza se (kada se nalaze u okolini muškaraca).“ Kur'an 33:59

Hidžab ni u jednom slučaju ne ukazuje na to da su žene potčinjene muškarcima.

Bog, Sveznajući, zna šta je najbolje za Njegova stvorenja, i zato je poslao uputu čovječanstvu kako bi se time okoristili. Nošenje hidžaba, kao i svaki drugi vid pokornosti Stvoritelju, čini osobu bliže svome Gospodaru i donosi osjećaj sreće i zadovoljstva osobi koja ga nosi.

Hidžab predstavlja čednost

Islam predstavlja čednost i skromnost i nastoji da umani nemoralnost u društvu. Hidžab, pored mnogih drugih stvari, pomaže u postizanju ovog cilja.



“Reci vjernicima neka obore poglede svoje i neka vode brigu o svojoj čednosti; to im je bolje, jer Allah, zaista, zna ono što oni rade. I reci vjernicama neka obore poglede svoje i neka vode brigu o svojoj čednosti; i neka ne dozvole da se od ukrasa njihovih vidi išta osim od onoga što je ionako spoljašnje, i neka vela svoja spuste na grudi svoje; neka ukrase svoje ne pokazuju i svoju ljepotu...”

Kur'an 24:30-31

Obratite pažnju da se u navedenim ajetima, Uzvišeni Allah prvo obraća muškarcima i zahtijeva od njih da spuste poglede svoje i da vode brigu o svojoj čednosti. Ovo se suprostavlja tvrdnji da je sav teret na ženama kada je u pitanju briga o čednosti.

Islam se protivi javnom izlaganju nepristojnog oblačenja i ispoljavanju seksualnog ponašanja. Međutim islam, kao praktična religija, podstiče na ljubav, na osjećanja i intimnost između bračnih parova ali u privatnosti.


Hidžab je zaštita

Mudrost u propisivanju hidžaba je minimiziranje seksualnog zavođenja i moralnog uznemiravanja u društvu kako za muškarce tako i za žene, koliko god je to moguće. Hidžab pomaže u zaštiti muškarcima, ženama i društvu stvaranjem stabilnosti u porodicama i zajednicama na mnogobrojne načine.

- Štiti od neželjenih situacija.
- Štiti žene od neželjenih pogleda i površnog posmatranja.
- Može pomoći u smanjenju mogućih seksualnih napada na žene.
- Štiti od seksualnog iskorišćavanja žena na osnovu izgleda.
- Štiti od iskušenja i štetnih požuda

Hidžab je Dostojanstvo

Hidžab promoviše ženstvenost žena prije nego što je suzbija, i pruža ženama dostojanstvo i samopoštovanje ukazujući im na njihovu prirodu, suprotno od prostog i površnog mjerila, kao što je spoljašnji izgled. Hidžab pruža ženama snagu za oblikovanjem sopstvenog karaktera uz pomoć plemenitih mjerila, kao što su pravednost, znanje i društvena korist, suprostavljajući se tako potrošačkom društvu koje diktira njihovu vrijednost kroz materijalna sredstva, kao na primjer njihov spoljašnji izgled ili količina novca koju zarađuju.



Prema vjerskom viđenju, muškarci i žene ne trebaju biti isti da bi bili jednaki, i to je uočljivo u raznolikim ulogama i odgovornostima koja su prilagođena za oba pola.

Tavakkul Karman „Majka Jemenske revolucije“ – osoba je koja je osvojila Nobelovu nagradu za mir, kada je od strane novinara upitana o njenom hidžabu, i kako on ne dolikuje njenom intelektualnom i obrazovnom nivou, odgovorila je: „Čovjek je nekad bio skoro potpuno nag, i kako mu se inteligencija razvijala tako je počeo nositi odjeću.

Ono što sam ja danas i ono što ja nosim predstavlja najuzvišeniji nivo razmišljanja i civilizacije koju je čovjek postigao, kao i to da hidžab nije nazadan. Ponovno uklanjanje odjeće je nazadovanje i povratak u drevna vremena.“

Hidžab je Poštovanje

U mnogobrojnim društvima, danas, žene se od najranijih dana njihovog djetinjstva podučavaju da je njihova vrijednost proporcionalna njihovom spoljašnjem izgledu. One su primorane da slijede nerealne i ponižavajuće standarde ljepote kako bi zadovoljile pritisak gledanja i društvena očekivanja. U takvom neprikladnom okruženju, gdje je toliki naglasak stavljen na spoljašnji izgled i ljepotu, unutrašnja ljepota osobe se smatra jako nebitnom.

Nasuprot tome, islam podučava da se žena mora poštovati prema njenim čednim i moralnim osobinama kao i prema njenim djelima, a ne samo na osnovu njenog spoljašnjeg izgleda ili prirodne ljepote što joj ne donosi ili joj donosi vrlo malo uticaja. Ona ne treba da koristi svoje tijelo ili šarm da bi bila prepoznata ili prihvaćena u društvu, jer hidžab ukazuje na samopoštovanje i na kvalitete kao što su pobožnost, čestitost, pristojnost i intelekt – svojstva koja su jednako dostupna svima.

Svaka žena koja nosi hidžab ili nikab je posebna osoba za sebe, i pogrešno je i nepravedno donositi generalno mišljenje o svim takvim ženama na osnovu jednog zajedničkog načina odjeće.

Hidžab u Bibliji

Hidžab nije nešto novo. Žene muslimanke slijede primjer čestitih žena iz prošlosti kao što je Merjem (Marija), Isaova (Isusova) majka. Navešćemo neke od sljedećih dokaza koji se nalaze u Bibliji.

„I svaka žena koja se gologlava moli Bogu ili prorokuje, sramoti glavu svoju“. (Prva Korinćanima poslanica, 11:3:6)

„Tako i žene u pristojnom odjelu, sa stidom i poštenjem da ukrašuju sebe, ne pletenicama, ni zlatom, ili biserom, ili haljinama skupocjenim. Nego dobrim djelima kao što se pristoji ženama koje se obećavaju pobožnosti“. (Prva Timoteju poslanica, 2:9-10)



Hidžab je **Samopouzdanje**

Hidžab omogućava ženama samopouzdanje kao ljudskim bićima. Povećava njihovo samopoštovanje omogućavajući im tako da se skoncetrišu na ono što je zaista bitno u životu. Opsesija za spoljašnjim izgledom može imati opasne i nezdrave posljedice, jer neke žene podliježu štetnim poduhvatima kako bi se osjećale prihvaćenima u sve



više zahtjevnom društvu. Hidžab ograničava samosvjesnost zasnovanu na spoljašnjem izgledu, i pomaže u sprječavanju duševnih i tjelesnih šteta koje su usko povezane sa manjkom samopuzdanja.

Hidžab **nije** i ne...

- NE ometa u doprinosu društvenoj zajednici.
- NIJE simbol potlačenosti.
- NIJE potreban u prostorijama gde su samo žene ili najbliža muška rodbina.
- NIJE znak ženske podređenosti muškarcima.
- NIJE sredstvo koje ograničava slobodu žena i njihovog izražavanja pogleda i mišljenja.
- NIJE sredstvo koje ograničava ženama da traže obrazovanje ili odgovarajuće karijere.
- NE predstavlja pokretni zatvor.
- NE predstavlja čin suprostavljanja, izazivanja ili protesta protiv nemuslimana.
- NIJE nešto novo – praktikovan je od strane mnogih čestitih žena u prošlosti.
- NIJE protiv društvenih vrijednosti – jer društvene vrijednosti zahtijevaju da se ne smije suditi ljudima na osnovu onoga što oblače, i ne smiju se diskriminirati ili maltretirati na osnovu njihovog izbora odjeće ili izgleda.
- NE oblači se sa ciljem zastrašivanja ili anti-društvenog ponašanja.



„Ne nosim hidžab zato što sam potlačena već ga nosim zato što sam osnažena.“
Joumana, 23 god.
Melburn



Šta žene muslimanke kažu o hidžabu

„Nosim ga od svoje 17-te godine i žao mi je što ga nisam počela ranije nositi.“ - **Faten, 27 god., Melburn, Australija**

„Nije pitanje da li si dovoljno spremna da nosiš hidžab, nego da li imaš sreće da ga nosiš.“ - **Madina, 22 god., Melburn, Australija**

„Oblačenje hidžaba predstavlja moju slobodu, moj izbor, a ne moju potlačenost kao što to žele muškarci i mediji.“ - **Nusaybah, 45 god., Melburn, Australija**

„Volim da nosim hidžab jer to radim radi Božijeg zadovoljstva, i kad god pomislim da je to razlog, čini me srećnom i nasmijanom.“ - **Aiša, 13 god., Melburn, Australija**

„Omogućava mi da spoznam svoje ciljeve i da imam svoj izbor, kao i to da idem u školu bez opterećivanja da li me muškarci ispituju pogledom. Hidžab čini da mi ljudi ne sude na osnovu izgleda nego na osnovu mog razmišljanja i karaktera.“ - **Flavia, 22 god., SAD**

„Moje tijelo je moja lična stvar, i ne želim da se pravdam ljudima šta i kako se nosim. To je dio moje religije, i moj izbor da nosim hidžab me ne čini manje ljudskom.“ - **Jasmina, 21 god., Australija**

Zaključak

Hidžab je čin pokornosti i predanosti između žene muslimanke i njenog Stvoritelja. Izvor je duševnog jačanja i dostojanstva, i na milione žena muslimanki u cijelom svijetu se odlučuju za nošenje hidžaba kao sastavnog dijela njihove vjere. Daleko od toga da je on čin potlačenosti. U stvari hidžab je način slobodnog mišljenja, čednosti i što je najvažnije čin vjerovanja. Poštovanje žena je jako bitan aspekt učenja u islamu, a ono je predstavljeno u hidžabu.

Istinite jednakosti će biti kada žene ne budu imale potrebe da izlažu svoja tijela da bi tako bile uvažene, niti da brane svoju odluku da skrivaju svoja tijela za sebe.



+971 56 204 2045



islamicicdx

islamicic.com @info@islamicic.com +971 4 355 5223



DOWNLOAD BOSNIAN FLYER
www.islamicic.com/bosnian



مركز المعلومات الإسلامي
Islamic Information Center

لتعريف بالإسلام

Part of the



ISLAMIC e-LIBRARY

Learn more about Islam with our informative and educational materials, translated to over 50+ languages



Quran



Flyers



Books

iicdxb.com/flyers

@islamicicdxb

